

## УДАРНИК

ВКП(б)-лэн М-Пурга Райкомез-  
лэн но Райисполкомлэн  
органы  
—(АДРЕС: М-Пурга УАССР)—

## Партпросвещениез дун'ямтэлы пум пононо

Туэ арын июнь но июль толэзы-ёс куспын 3 заочной партийной школаос дышетсконзэс быдтйзы. Со таце школаос: ВКП(б) историен популярной но повышенной курс'ёс, политэкономия. Та школаосын ваньмыз 67 адыми выпустить каремын. Отын ВКП(б) член'ёс, ВКП(б) членэ кандидат'ёс, сочувствующийёс но комсомолец'ёс дышетскизы.

Тросэз дышетскисьёс дышетсконзэс "отлично" но "хорошо" отметкаосын йылпум'язы. Соос пöлысь нырысь ик Комлев, Булдаков, Ложкин Ф. И., Христолюбов, Мерзляков М. Д. эш'ёс но мукет'ёсыз луо. Соос асьсэлэсь политической знанизылысь уровеньзэс жутонын сюлмысь ужало.

Куд-ог коммунист'ёс политической дышетсконлэсь кулэзэ валаллямтэ на. Партийной дышетсконлы халатно относиться карисько. Та ни таце мурт ёс Зарбатов, Карпова, Дородов, Титов, Маурин, Зонов но мукет'ёсыз заочной дышетсконэн мукет'ёсызлысь бере кылыса дышетскизы, "посредственолэсь" выль отметкаос соос өз басытылэ.

Очной партийной дышетсконэн уж уката урод. Ныль политграмота кружок'ёс пöлысь Бурановысь гинэ (пропагандистэз Очев эш) огшоры ужа. Зонов пропагандистлэн кружоказ ноқыче дисциплина өвөл. Соин дышетскисьёс занятиэ уг ветлыло но занятиос дырысь-дыре гинэ ортчытысько. Пропагандист Зонов кружокын дышетсконзэс умятон понна ноқыче ответственностьэ уг шöды. Таце ик дышетскон Петров А. Г. но Черепанов пропагандист'ёслэн политграмота кружок'ёсазы.

2-х годичной партийной школынын программа дышетскон быдэстэмыз луыны кулэ вал. Озы но программа быдэстэмын өвөл. Та школынын дисциплина чидантэм ляб. Дышетскины ваньмыз уг ветло. Пропагандистэз Иванов Г. М.

## Малы прокуратура куаретытэк улэ

Удмуртской АССР-лэн Верховной Советэзлэн депутатэныз Е. Т. Симакова эшен "Выль гурт" колхозысь куд-ог адымиос ласянь издеваться кариськемзы, серек'ямзы, етйнез уялтонын ужэе куашкатыны турттэмзы сярэсь газетын сигнал'ёс вал ни. Сыце уж'ёс али но быдтымтэ. Тани Ф. А. Бабеков раскулачить карем муртлэн пиез, али продавецын ужа. Чем дыр'я со Симакова эшлы товар'ёссэ уг вуза. Симаковаез котыкызы серем карыны, возытэ вуттыны тырше.

Ваньмыз таце факт'ёс прокуратуралы тодмо өвөл шуса ос-

## Турын жутонын берелы кельтэ

"Горд пельга" колхозын турын жутыса быдэстэмын өвөл. 12-тй июле колхозын "Петровка" вуз праздникез праздновать каризы.

Та колхозысь конюх'ёс, егит кол-

дышетонзэ самотеке лэзиз. Занятиосын со туж шер присутствовать каре. Дышетскисьёслы кулэ юрттат уг сёты, соослэсь дышетскемзэс уг эскерылы.

Бечегов эшлэн ВКП(б) историен кружокез чидантэм урод ужа. Кружоклэсь ужэе умятон выльсь ноқыче ужрад уг куты со. Занятиосы дышетскисьёс тросэз уг ветло. Нош Бечеговез со беспоконить уг кары. Дышетскисьёс лыкто ке но, уг ке но солы пöртэм өвөл. Татысен ик тодмо ни, что таце дышетсконлэн ноқыче азинлык'ёсыз өвөл. Февраль толэзысен та кружок 2 нырысь темаос бордын пуке.

Перовошиков эшлэн ВКП(б) историен кружокез копак куашказ.

Та школаослэн урод ужамзылэн мугез пропагандист'ёс но асьсэос дышетскисьёс бордын луэ. Очной школынын кружок'ёсын дышетскисьёс Якимов, Петухов, Александров, Балашев, Максимов, Фролов, Косоев, Лопатин, Ломагин, Соловьев, Тойкин, Байкалов но мукет'ёсыз дышетскины туж шер ветлыло, палэнскины туртто. Нош Коньков но Жуйков эш'ёс одйг темаен но зачет өз сётэ на.

Чем дыр'я ВКП(б)-лэн Райкомез, пöртэм кампаниосын валче занятиосыз срывать, откладывать карылы. Партийной просвещенилэсь кулэзэ уг дун'я. Озы ик уг дун'яло сое ВКП(б)-лэн райкомезлэн секретарьёсыз Бечегов но Перовошиков эш'ёс. Огезлэн—кружокез ужамтэ кадэ гинэ ужа, мукетызлэн—копак дышетскон уг мыны.

Азыланьын партпросвещениез дун'ямтэлы пум понэмын луыны кулэ. Куд-ог пропагандист'ёс но дышетскисьёс-коммунист'ёс ласянь беспечностез, буйгаткыса улонэз быдтоно. Большевиэмен овладеть карон, политической знаниез жутонын понна улорно ужано.

кыны уг луы. Озы но со Симакова эшлэсь ужэе куашкатыны турттысьёсты, клеветник'ёсты ответственность улэ огзэ но өз кысы на.

Классовой тушмон'ёслэн кылем гыжкэл'ёссы колхозник'ёсты Симаковалы пумит настроить каро, "колхозын со вредить каре" шуса агитировать каро.

Прокуратура та че ужез пи-чи, кулэтэм ужен гинэ ляд'я. Таце ужен заниматься кариськыны дырыз "уг сюрэ".

ВКП(б)-лэн Райкомез та сярэсь чик жегатскытэк кулэ ужрад ку-тоз шуса оскиском.


хозницаос нокинлэсь но юатэк вал кыткыса черке вöсыскыны ветлызы. Озы тыни, колхозлэн правлениез уж понна сюлмаськымтэнызы тур-ын жутонын берелы кельтэ.

## Газогенераторной автомашинаос

Правительстволэн постановлениез'я авто-тракторной промышленно-стьлэн предприятиосыз газогенераторной машинаосты бад'ым сериен поттон производство дасяно луо. Московской но Горьковской авто-завод'ёсын туэ арын 1500, нош 1939 арын быдэн 8000 газогенераторной машинаос поттэмын луыны кулэ.

НАТИ-ын (научной авто-тракторной институт) ЗИС-5 грузовой трехтонной машины Г-23 газогенераторной установка сконструировать каремын. ЗИС-5 машина пу эгырэн эстыса ужа.

Сыце машинаез эксплуатировать карон кыкпол дунтэм луэ.



Суред вылын: Г-23 газогенераторен ЗИС-5' трехтонной машина. А. Иоселевичлэн фотоз (Союзфото).

## В. И. Ленин но Ф. Э. Дзержинский эш'ёс сярэсь документ'ёс шедьтэмын

**Житомир, 11 июле.** Житомирской исторической архивысь В. И. Ленинлы нимыстыз надзор кылдытон сярэсь Волинской губернской жандармской управленилэн архивысьтыз переписка шельтэмын.

Со документ 26 мартэ 1895 аре гожтэмын вылэм.

Жандармской управление асказ распоряженияз, пограничной пункт'ёсты, Владимир Ильич граница дуре вуоно мар ке луиз, солэсь багужэ тырмыт эскерыса учаны ко-сэ. Собре азыланьзэ но солы над-

зор кылдытон понна, Ленинлэн отысь куд пала кошкыны потэмез сярэсь, полицилэн департаментаз ивортыны косэ.

Мукет документын Ф. Э. Дзержинский вылысь надзорез басытон сярэсь гожтэмын. Таиз документ 26 июне 1902 арын гожтэмын. Со соку Варшавской губернииын кутэмын вылэм ни и солы пумит следствие кутскемен надзорез басытыны косэмын.

Та документ'ёслэн копиоссы В. И. Ленинлэн центральной музеезлэн Киевской филиалаз келямын.

## Москваысь Стокгольме самолетэн пассажир'ёсты нуллыны соглашение гожтэмын

11 июле 1938 арын Стокгольмын СССР но Швеция куспын воздушной сообщениез устыон сярэсь советско-шведской соглашение гожтэмын.

Москва но Стокгольм куспысь линиетй самолетэн пассажир'ёсты нуллон 18 июльсен куткоз.

СССР ласянь соглашениез ГУГВФ-лэн начальникез Логинов эш подписать кариз.

## Бордгазет'ёс палэнын сыло

Али та дыре, бордгазет'ёс вань колхоз'ёсын но предприятиосын бад'ым значение иметь каро. Бордгазет'ёсты вискарытэк поттон понна, та уже газетэз яратысь кадр'ёсты утчано. Ильинской сельсоветысь "Красный яр" но "Красная звезда" колхоз'ёсын бордгазет'ёс ю октон-калтон кампанилы дасясконлэн палэназ сыло.

Бордгазет'ёслы ю октон-калтон кампанилы дасяскон, озы ик колхоз'ёсын вань сельскохозяйственной уж'ёслэн быдэсмемзы но бригадоаслэн ужамзы сярэсь нуналлы быдэ освещать карыны кулэ вал. Нош куд-ог колхоз'ёсын бордгазет'ёс шкаф йыл'ёсазы кыллэ.

"Красный яр" колхозын туэ 1938

аре 2 номер гинэ газет поттэмын. Газетлэн редакторез Архипов, тае кулэтэм ужен ляд'яса газет уг поттылы. Тодыны уг луы колхозын кыче бригада азымыныса, кыче бригада бере кылыса ужа. Бригадаосын социалистической соревнование организовать каремын өвөл.

Колхозын азымыныса ужась колхозник'ёсты уг возматэ. Нимаз уж'ёслэн быдэсмемзы сярэсь ответственнойёс чик өвөл. Колхозын та сяна но урод уж'ёс вань. Колхозлэн правлениез фондовской валэз обшой собраниен согласовать карытэк воштэм. Нош воштэм валзы урод.



# Удмуртской АССР-ысь Военной Комиссариатлэн 40 №-ро ПРИКАЗЭЗ

20 июне 1938 ар.

Обязательной Военной службы сярсы законлэн 71 но 72 статьяосызлэн основаниез'я но Удмуртской АССР-ысь **Совнарномлэн** 28 мае 1938 арын 11 номеро постановлениез'я Удмуртской Республикаысь Военной Комиссариат 1938 арын 10 июльысен 10 августозь 1919 арын вордскем граждан'ёслы призывной участок'ёсы гожтон ял.

§ 1.

Удмуртской Республикалэн территорияз ульсь, ог вадеслы (временно) гинэ улыны лыктэм 1919 арын вордскем но солэсь азьвыл ар'ёсы вордскем'ёс пöртэм муг'ёс'я призывлэсь отсрочка басьтэм яке призываться кариськымтэ граждан'ёс ваньзы припискаез орточно луо.

§ 2.

Призывной участоке гожтон Райвоенкомат'ёсын кылдытэм приписной пункт'ёсын, сослэн распоряженизы но планзыя орчгытэмын луоз.

§ 3.

1919 арын вордскем'ёс но солэсь азьвыл ар'ёсы вордскем граждан'ёс (кин та дырозь приписк. ез но Красной армии басытон призывез узна ортчына) 1 июльы ен 8 июль кустын ваньзы ик улон яке ужан интызыя Горсоветлэн, райсоветлэн, райисполкомлэн, сельсоветлэн, предприятилэн яке учрежденилэн военно-учетной столаз (отделаз) припискаез ортчыны мынон извещение яке явочной номер басытыны одно лыктоно луо.

**ВАЛЭКТОН:** Ижевской но Воткинской завод'ёсын ужась'ёс извещениос (явочной номер'ёс) выльи возматэм дыр кустын ик ужан интызыя мастерскоязы яке цехазы басытоно луо.

§ 4.

3 параграфын возматэм сроке извещение яке явочной номер басытыны военно-учетной столэ мыныку таке документ'ёс сьöре басытоно:

- 1) паспорт яке личностез удостоверить карысь документ;
- 2) метрической выписка.

§ 5.

1-тй июльысен 8 июль кустын военно-учетной органэ мынонлэсь таке мурт'ёс мозмытско:

- 1) секыт висысь'ёс но
- 2) та приказэз ялэмлэсь азьвыл Удмурт республикаысь ог вадеслы (временно) кошкэм'ёс.

§ 6.

3-тй параграфын возматэм дыре извещение (явочной номер) басытыны лыктоно мурт'ёс полысь 5 параграфын верам уважительной причинаос'я лыктытэк кылем'ёс 25 июле военно-учетной органэ одно лыктоно луо, лыктыкузы киязы дыраз лыктыны быгатымтэзэс возматись документ'ёс ваёно лус.

§ 7.

Военно-учетной органысь извещение (явочной номер) басытэм мурт'ёс припискаез но медицинской осмотрез ортчыны извещениын возматэм интые но дыре одно лыктоно луо. Лыктыкузы киязы та-

ке документ'ёс ваёно луо:

- 1) паспорт яке сельской местностыин ульсьёс (кытын паспортизация öз ортчы) личностез удостоверить карысь мукет документ;
- 2) метрической выписка;
- 3) азьвыл ар'ёсы вордскем но призывлэсь отсрочка басытэм'ёс военной билет;

4) коммунист партия но комсомол член'ёс но кандидат'ёс членской билет яке кандидатской карточка;

- 5) ужан интысьтыз документ;
- 6) дышетскемез сярсы д. кумент;
- 7) допризывникен яалче ульсь семьяезлэн арлыд'ёсыз но ужаны быгатымтэз (негрудоспособность) сярсы документ'ёс.

§ 8.

Государственной но общественной организациисын, предприятиосын, учреждениосын кивалтисьёс, колхоз правлениос, сельсовет'ёс уличной комитет'ёс но зданиослэн комендант'ёссы та приказэз ялэм бере лэстыно луэ:

1) военно-учетной органысь извещение (явочной номер) басытыны мынон нуналэ но извещениын возматэм нуналэ мыныны припискаез в нь допризывник'ёсыз ужлэсь мозмыто;

2) учреждениазы, предприятиязы но зданиосазы улысь допризывник'ёс лэсь дыраз но одйгы но кылытэк припискаез ортчэмзэс эскероно луо;

3) припискаез орточно мурт'ёсыз сельсоветлэн, предприятилэн представителез организованно приписной пунктэ вае.

§ 9.

**Припискаез ортчыны приписной пунктэ но извещение басытыны военно-учетной органэ мынонлэсь палэнтскем мурт'ёс но мыныны лэзымтэ понна выльиын верам организациослэн кивалтисьёссы уголовной кодекс'я ответственность нуоно луо.**

§ 10.

Припискаез орточно мурт'ёс приписной пунктэ яке военно-учетной органэ (извещение басытыны) öтем дыре öз ке лыктэ **суд вамен ответственность нуо.**

§ 11.

Та приказэз ялэм бере, нокинлэн но, приказэз уг тодиськы шуэмез уг луы.

§ 12.

Вань общественностьлы та приказэз туэ припискаез орточно мурт'ёс пöлын валэктонэз паськыт вöлдоно.

*Удмуртской АССР-ысь Военный Комиссар, Капитан СПОРЫНИН.*  
*Учетно-Мобилизационной частью лэн Начальникез МЕДВЕДЕВ.*

\* \* \*

Асьме районуын 1919 арын вордскем граждан'ёслы призывной участок'ёсы гожтон 28 но 29 июле луоз.



Межное нюлэс пристаньын (Вологодской область, Череповецкой район).  
П. Мелентьевлэн фотоз (Союзфото) „Прессклише“.

## ВЛКСМ-лэсь уставзэ тйяло

К-Демьянской сельсоветысь „Коммунист“ колхозын комсомольской организация вань. Та комсомольской организациись куд-ог комсомолец'ёс Ленинской комсомоллэсь уставзэ но дисциплинаез чутрак тйяса ужало.

Тани басытом комсомолецез А. А. Дородовез. Со комсомоллэсь нимзэ гинэ сапта. Дородов дугдылытэк юса но хулиганить карыса кылле. Та толэзе гинэ кыкпол жугиськиз. 13-тй июле Малая-Докья гуртэ мыныса, Гондыревез пычалэн ыбыны утча вал.

Таке комсомолец'ёслы комсомолын инты öвöл, Дородов хулиганэз уголовной ответственность улэ кысконо.

## Колхоз'ёсысь знатной адямиос



Суред вылын: Орденоносец Федот Федорович Халтобин—Сталинлэн нимыныз нима колхозлэн председателез (Новосибирской область, Венгеровской район). Халтобин эш, колхозын свиноферма лэн заведующеез луыса ужакуз мойы парсьёслэсь но парсьпиослэсь кулылонзэс быдэсак быдтыны быгатиз. 1937 арын каждой свиноматкалэсь 25 парсьпи басытиз. Али дыре породистой парсьёсты гинэ выращивать каре. Халтобин эш 1937 арын ВКП(б) членэ кандидатэн пыртэмын. 1938 арын январь толэзе колхоз председателез быр'емын но уженыз умой справляться карыське. Саломанинлэн фотоз (Союзфото).

## Бордгазет уг поты

„Кутер-кугон“ колхозлэн бордгазетэзлэн редакторез Макаров Егор, та дыре газетсэ поттэмьсь дугдиз. Солэсь колхозник'ёс юало—малы бордгазет уг поты? Макаров колхозник'ёслэн юамзылы материал'ёс öвöл шуса ответ сэтэ.

Нош Макаров куд-ог дыр'я, колхозник'ёслэсь сэтэм материалзэс кесиса куя. Соин ик газет уг поты, газет массалэсь палэнын улэ.

## Ачиз жегатэ

Аксакшурской сельсоветысь сельсудья П. Айтуганов, аслаз ужаз скулмаськытэк ужа. Аксакшурской сельсоветысь колхозник'ёс но колхозницаос урод уж'ёс сярсы трос заявлениос сэт'яло. Та заявлениослы уждрад кутэм сярсы ноку но результат'ёссэ уг басытыло.

Тани Е. Макаров но Н. Макаров солы кемалась ни заявление сөтйызы. Со заявлениос туннэ нуналозь папкаын эскерытэк кылле. Кема-а меда жегатоз на сельсудья заявлениосты? **Макаров.**

## Юысь милиционер

РК милицилэн районной отделениезлэн Ильинской кустысь инспекторез Михайлов пыр юса улэ, кудзымтэ йырыныз сое шер адзод.

Али 10 июле но со номырзэ валантэм кудзёмын вал, калык пöлтй „пример“ возматыса ветлэ. Нош Ильинской кустысь гурт'ёсын вина пöзтон но юон туж паськыт вöлмемын, солы пумит нюр'ясыкис öвöл.

Тодэ-а меда таке уезд РК милицилэн райотделениез.

## 25 июле бордгазет'ёслэн редактор'ёсынызы, редколлегиослэн член'ёсынызы но селькор'ёсын районной совещание отиське

Совещаниын ю октон-калтон вакыт печать азын сыйлысь уж'ёс сярсы уждрум эскеремын луоз. Совещание Чукна 9 часысен редакцилэн помещенияз луоз.

**ВНП(б) Райномлэн культпропез „Ударник“ газетлэн редакцияез.**

Редакторез воштысь—**А. Г. ПЕТРОВ.**

Пот'йсь—**РАЙИСПОЛКСМ**